

Verbâl de riunion dal Comitât Diretîf dai 22 di Fevrâr dal 2019

Clamât adun cun letare dai 6 di Fevrâr dal 2019, prot. nr. 039/19, vinars ai 22 di Fevrâr dal 2019 aes cuatri e mieze sore sere si à dât dongje a Udin, te sede di Vie Manin 18, il Comitât Diretîf de Societât Filologjiche Furlane par discuti dal ordin dal dì metût ca sot:

1. Leture e aprovazion dal verbâl de volte prime;
2. Modifichis dal Statût de Societât Filologjiche Furlane;
3. Procedure pe elezion dai orghins diretîfs (trienât 2019-2021): discussion e aprovazion de liste dai candidâts;
4. Adesion ae Associazion Teatri stabil Furlan;
5. Variis se a ond è.

Ae clamade dal President Vicario a rispuindin i conseîrs:

Carlton, del Torre, Donada, Frisano, Madriz, Medeossi, Mitri, Pastres, Pelizzo, Petris, Sclipa, Venuti.

Si son justificâts:

Begotti, Bulfon, Frau, Janefli, Moro, Pugnetti, Romanzin, Serena, Vezzi.

No son:

Cozzi, Morandini, Pascoli.

Pont n. 1 dal o.d.d.:

Leture e aprovazion dal verbâl de volte prime.

Il Comitât Diretîf al fâs bon a la unanimitât il verbâl de riunion dai 25 di Zenâr dal 2019.

Pont n. 2 dal o.d.d.:

Modifichis dal Statût de Societât Filologjiche Furlane;

Il President e il Tesorîr a presentin lis propuestis di modifiche dal Statût par adeguâlu ae gnove normative dal Tierç Setôr (D.Lgs. 117/2017).

Daspò dai intervents dai conseîrs dal Comitât Diretîf e dal Gjenerâl, che a vegnin ripuartâts tal verbâl dal Consei Gjenerâl, la propueste di modifiche dal statût e ven fate buine dal Comitât Diretîf e e ven trasmitude ae Assemblee pe aprovazion.

Pont n. 3 dal o.d.d.:

Procedure pe elezion dai orghins diretîfs (trienât 2019-2021): discussion e aprovazion de liste dai candidâts

Il President al ricuarde che la Assemblee che e sarâ clamade dongje ai 10 di Març e e varâ di elei i gnûfs orghins diretîfs, e al propon al Comitât diretîf lis liniis vuide pe conferme e pe siele dai candidâts al consei gjenerâl (la rapresentance di ents e istitûts dal Friûl, il numar di presincis tai conseis e comitâts, il rûl e la funzion davuelte dentri de Societât, e v.i.).

Il Comitât al fâs buine la propueste.

Pont n. 4 dal o.d.d.:

Adesion ae Associazion Teatri stabil Furlan.

Il pont nol ven tratât.

Pont n. 5 dal o.d.d.:

Variis.

Nuie ce segnalâ.

La riunion si siere a lis 17.45.

Il segretari verbalizant

Feliciano Medeot